



Broj: 08-06/2-14-2-3055-5/16

Dana: 28.06.2016.godine

Na temelju člana 64. stav (1) tačka b), člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14), odredbi Pravilnika o postupku dodjele ugovora o uslugama iz Aneks II. Dio B. Zakona o javnim nabavkama („Službeni glasnik BiH“, broj 104/14), na Preporuku Komisije za javnu nabavku roba, usluga i radova (u daljem tekstu - Komisija) o izboru najpovoljnijeg ponuđača za predmetnu nabavku broj: 08-06/2-14-2-3055-4/16 od 27.06.2016.godine, u postupku javne nabavke "Pružanje usluga tehničkog pregleda vozila Policijske uprave I Zenica i MUP-a u sjedištu na području općine Zenica", ministar Ministarstva unutrašnjih poslova Zeničko-dobojskog kantona, d o n o s i:

O D L U K U

o izboru najpovoljnijeg ponuđača – "AGRAM" d.d. Ljubuški-Podružnica Zenica za "Pružanje usluga tehničkog pregleda vozila Policijske uprave I Zenica i MUP-a u sjedištu na području općine Zenica"

Član 1.

Prihvata se Preporuka Komisije o izboru najpovoljnijeg ponuđača broj: 08-06/2-14-2-3055-4/16 od 27.06.2016.godine, i ugovor za "Pružanje usluga tehničkog pregleda vozila Policijske uprave I Zenica i MUP-a u sjedištu na području općine Zenica", dodjeljuje se ponuđaču "AGRAM" d.d. Ljubuški-Podružnica Zenica sa ponudom broj: 08-06/2-14-2-3210/16-BS od 27.06.2016.godine, za ponuđenu cijenu prema važećem cjenovniku usluga tehničkog pregleda vozila ("Službeni glasnik BiH" broj 29/11) i ponuđeni rabat u iznosu od 26%.

Član 2.

Ova Odluka objaviće se na web stranici ugovornog organa (www.mupzdk.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 3.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 08-06/2-14-2-3055/16 od 15.06.2016.godine.

Javna nabavka provedena je putem poziva za dostavu ponuda - "Pružanje usluga tehničkog pregleda vozila Policijske uprave I Zenica i MUP-a u sjedištu na području općine Zenica" - usluge iz Aneksa II. Dio B. Zakona o javnim nabavkama.

Procijenjena vrijednost nabavke na godišnjem nivou je 4.200,00 KM bez PDV-a.

Poziv za dostavu ponuda za nabavku predmetnih usluga iz Aneksa II. Dio B. Zakona o javnim nabavkama, broj: 08-06/2-14-2-3055-1/16 od 15.06.2016.godine, objavljen je na web stranici ugovornog organa (www.mupzdk.gov.ba), dana 15.06.2016.godine.

Komisija za javnu nabavku imenovana je Odlukom broj: 08-06/2-14-2-3055-3/16 od 17.06.2016.godine. Komisija za javnu nabavku sačinila je Preporuku o izboru najpovoljnijeg ponuđača za predmetnu nabavku broj: 08-06/2-14-2-3055-4/16 od 27.06.2016.godine, na osnovu koje je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenutu Preporuku, iz koje je utvrđeno sljedeće:

- da su se do roka određenog za dostavljanje ponuda, 2 (dva) ponuđača prijavila na predmetno javno nadmetanje, i to "AGRAM" d.d. Ljubuški-Podružnica Zenica i "AUTOCENTAR BH" d.o.o Sarajevo-Podružnica Zenica.

- da ponude ponuđača "AGRAM" d.d. Ljubuški-Podružnica Zenica i "AUTOCENTAR BH" d.o.o. Sarajevo-Podružnica Zenica ispunjavaju zahtjeve ugovornog organa u formalno-pravnom, ekonomskom i tehničkom smislu, tj. da su prihvatljive za ugovorni organ.

- da su ponuđači "AGRAM" d.d. Ljubuški-Podružnica Zenica i "AUTOCENTAR BH" d.o.o. Sarajevo ponudili cijene po važećem cjenovniku usluga tehničkog pregleda vozila ("Službeni glasnik BiH" broj 29/11) i da je jedina razlika u ponuđenom popustu. Naime, ponuđač "AGRAM" d.d. Ljubuški-Podružnica Zenica ponudio je popust u iznosu od 26%, a ponuđač "AUTOCENTAR BH" d.o.o Sarajevo Podružnica Zenica ponudio je popust u iznosu od 21,5%.

U postupku ocjene provedenog postupka rukovodilac ugovornog organa nije našao razloge, nepravilnosti niti propuste u radu, koji bi eventualno bili temelj za neprihvatanje preporuke Komisije za javnu nabavku.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora - "najniža cijena".

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, i predmetnom Tenderskom dokumentacijom.

Slijedom navedenog, ponuđač "AGRAM" d.d. Ljubuški-Podružnica Zenica je odabran na osnovu ponuđenih cijena usluga iz člana 1. ove Odluke. Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u izreci ove Odluke.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu ugovornom organu na postupak u pisanoj formi najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

DOSTAVLJENO:

1. Ponuđač, 1x-
2. Sektor za podršku, 1x.-
3. Komisija za javnu nabavku roba, usluga i radova, 1x.-
4. Spis, 1x.-

MINISTAR

Nikola Arsenić